



Kavamatkunnin Tuhaqtitaudjutikhaq

Kanatami Nutaqat Ublua 2024

Aulaqtirvikhaa Ublua: Hikutirvia 18, 2024

Nutqarvikhaa Ublua: Hikutirvia 20, 2024

Nunavunmi-tamaat

60 sec

Tariumi Hikutirvia 20mi, Ilinniaqtuliqijikkut Havagvia pitqujait Nunavunmiut atuquplugin hunamik Arjiqtamik Ukununga Kanadami Nutaqqanun Ublungani.

Kanatami Nutaqat Ublua ilitarihimajaat Kanatap aghuugutait pittiaqlugit uvalu ikajuqhugit pilaagutait nutaqqat inulgamiitlu. Una ubluq naunaijaqtauhimajuq malrungnin angijut hulidjutit: 1959 atiliurutait hapkua United Nationskut (UN) Uqarijautait Pilaarutainun Nutaqqat uvalu tiguarutait hapkua UNkut Katimaqjuarutait Pilaarutainun Nutaqqat uvani 1989mi.

Taimaa Kanata angiqtait UN-kut Angirutinga Pilaarutingit Nutarap 1991mi, talvannaq Nunavut, piliuqtuq uqariijaqtamiknik naunairiami tamaita nutaqqat inulramiillu munarijaujut qanurittaakhaanik pimmariktumiklu piplugu. Una uqariijaqtamiknik ilaliutijuq qaffinik akhuerutaujut pilaarutingit nutaqqanut inulramiinullu:

- Tamna pilarut nipingit tuhaqtajukhaniklu.
- Tamna pilarut ilauni talvuna ihumaliurutini aktuqniglit tikliqtaminut.
- Tamna pilarut hapummijaunia aaniqtaunirmi.
- Tamna pilarut pihimani atuttiaqtut pijaqaqnit pijauni.
- Tamna pilarut tamaita pilaqnit tikigiangna tamaat pilaqnit.

Ilaugatigiluta uvani Nunaqjuaptingni Nuttaqqangit Ubluanganik illagijaangat quviahuitiligutlu nutaqqat inulramiitlu aulahimaqtunik, ihumagijaunginaqtun, pigiaqaqtuniklu nunaqaqtunik nunalaaptingni.

###

Tuhaqtipkainikkut Uqarvigijakhaq:

Matthew Illaszewicz
Aulapkaiji Tigumidjutiqaqtunun Ilauqatigiingnikkut
Ilinniaqtulirijitkut
867-975-5649
info.edu@gov.nu.ca

romanized text: Public Service Announcements are available in Inuktitut, English, Inuinnaqtun and French on www.gov.nu.ca.
Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uiviititullu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.